

pendia recipiant, vel sub ipsorum nominibus, & insignibus militant, cum in quacumque obligatione reverentia, fides, & obedientia S. R. E., ac Romano Pontifici debita, semper salva, atque excepta sit, & esse intelligatur, nec ulla promissionis, aut obligationis formula contra praedictam Romanam Ecclesiam, ipsumque Romanum Pontificem, quemquam obliget, aut quovis modo ardet, vel adstringat, & quaecumque promissio, atque obligatio contra dictam Ecclesiam, Romanumque Pontificem, ut praefertur facta, & concepta eo ipso nulla, invalida, & irrita existat, & nullius sit roboris, ac momenti, ut infra octo dies post publicationem praesentium immediate sequentes, ab ipso Caesare, eique adhaerentibus, consentientibus, auxiliantibus, consulentibus, vel faventibus hujusmodi, eorumque servitiis, stipendiis, & insignibus omnino recedant, pariter injungimus, atque praecipimus.

Peccat contra inobedientes.

§. 24. In omnes vero, & singulos ex eis, qui contra mandatum nostrum hujusmodi facere, vel etiam venire tentaverint, seu quoquo modo praesumpserint per se, vel alios directe, vel indirecte, similis excommunicationis, ac anathematis, maledictionis, & privationis, ac inhabilitationis, nec non in Civitates, Terras, Dominia, & loca eorum, si quae tunc eos habere, & obtinere contigerit, interdicti, ac in eos, eorumque descendentes, privationis dignitatum, dominiorum, feudorum, & honorum, ac privilegiorum, & gratiarum, ac inhabilitatis ad ea, & alia impostero obtinenda, nec non dominiorum, & bonorum confiscationis sententias, censuras, & poenas, ex nunc, prout ex tunc, & e contra simili modo in his scriptis ferimus, atque promulgamus, eosque illas, absque alia ulteriori monitione, incurrere volumus eo ipso, a quibus non possint, nisi a Nobis, vel Rom. Pont. pro tempore existent. praeterquam in mortis articulo, ut supra dictum est, absolutionis beneficium obtinere.

Admonentur quoque Principes omnes, ut contra Caesarem, si contra maximas sic, suis armis injurgant.

§. 25. Ceterum si moniti, excommunicati, aggravati, reagravati, anathematizati, maledicti, privati, ac inhabilitati praedicti, suae salutis profus immemores, obstinata animi duritie supradicta bona occupata, omnino restituere, & monitioni & mandato nostris praedictis adhuc obtemperare distulerint, ex nunc, prout ex tunc ipsum Romanorum Regem in Imperatorem electum, aliosque omnes Christianos Reges, Respublicas, Duces, Principes, Marchiones, Comites, Barones, nec non eandem Communitates, & Universitates, quaecumque potestatem, & dominium, habentes, & quoscumque alios Terrarum Dominos, & armorum Duces, & Capitaneos quorumcumque fidelium stipendiis militantes, & alias quascumque personas terra, marique Jurisdictionem habentes, per praesentes similiter in Domino hortamur, monemus, eosque, & quemlibet ipsorum requirimus, & eorum cuilibet in virtute sanctae obedientiae praecipimus, &

mandamus, quatenus contra eosdem Caesarem, & alios monitos, excommunicatos, aggravatos, reagravatos, anathematizatos, maledictos, privatos, & inhabilitatos hujusmodi, adhuc contumaces, & non parentes, ac in sua perfidia, & obstinatione persistentes pro nostrorum, & Sanctae Romanae Ecclesiae, Sedisque, & Camerae praedictae Jurium tuitione, ac pro ejusdem Romanae Ecclesiae dignitate, atque honore, vi, & armis statim insurgant, eosque aggrediantur, persequantur, & debellant, ac ut Nos, Romanamque Ecclesiam, Sedemque, & Camerae praedictam, nec non pro tempore existentem Romanum Pontificem immediatum Dominum, & Superiorem Civitatis, & Ducatus Ferrariae, illiusque comitatus, & districtus, aliarumque Civitatum, Terrarum, Castrorum, Oppidorum, Fortalitiorum, & locorum praedictorum agnoscant, & ad nostram, & ejusdem Romanae Ecclesiae, Sedisque, & Camerae obedientiam redeant, cogant, & compellant: ac demum dictum Caesarem, ex praedictis Ducatu, Civitatibus, Terris, Castris, Oppidis, Fortalitiis, & locis praedictis penitus ejiciant, atque expellant. Ac etiam pro graviiori ipsorum monitorum, excommunicatorum, aggravatorum, anathematizatorum, maledictorum, privatorum, & inhabilitatorum poena, quoscumque excommunicatos etiam dictarum Civitatum, Terrarum, Castrorum, Oppidorum supradictorum, quorum Communitates, Universitates, & Incola praedictum Caesarem in eorum Ducem, Superiorem, ac Dominum agnoscere, & ei obtemperare praesumpserint, ipsumque in Civitatibus, Terris, Oppidis, castris, fortalitiis, & locis hujusmodi moram trahere, seu consistere permiserint, in quibuscumque locis eos invenerint, apprehendant, & capiant, atque apprehensos, & captos teneant, eorumque merces, pecunias, animalia, suppellectilia, nomina debitorum, res, & bona universa, in quibuscumque etiam locis ea invenerint, similiter capiant, illaque propria efficiant, ac in suos usus, & utilitatem convertant. Nos enim auctoritate, & potestatis plenitudine, praemissis armorum Ducibus, Capitaneis, Militibus, & aliis quibuscumque contra ipsum Caesarem arma sumentibus, & aliorum ex supradictis, qui eidem Caesari obedientiam praestiterint, eumque in Ducem, Superiorem, & Dominum agnoverint, res, & bona, aut personas capientibus, universas merces, pecunias, suppellectilia, & immobilia ubique locorum, & gentium, etiam extra Civitates, Terras, oppida, castra, fortalitia, & loca praedicta eidem Caesari obtemperantia, existentia, per eos, ut praefertur, capta, appropriamus, & applicamus, ac illa ad eosdem capientes pleno Jure pertinere volumus, & mandamus, Civitates vero, Terras, Oppida, Castra, Fortalitia, & loca praedicta, si ab eis capiantur, illis in praedam damus, & concedimus: personas autem supradictas excommunicatas, anathematizatas, & maledi-

ledictas, quas ubique locorum, & gentium capi contigerit, servos, & mancipia capientium fieri decernimus.

Gratia spirituales concessio eius, qui Caesaris conatus se opposuerint.

§. 26. Ceterum eisdem, qui contra ipsum Caesarem, & alios supradictos armis, ut praefertur, se opposuerint, & pro defensione, & recuperatione Civitatum, Terrarum, Castrorum, Oppidorum, Fortalitiorum, & locorum Ducatus hujusmodi, ad dictam Romanam Ecclesiam, & Apostolicam Sedem devolutorum opem, auxilium, consilium, vel favorem quovis modo praestiterint, praeter praemissa, nostram, & Apostolicam benedictionem impertimur: Nec non eisdem, si vere poenitentes, & confessi, ac Sacra Communione refecti fuerint, vel etiam, cum id commode facere non potuerint, si saltem firmum debito tempore confitendi, & Sacrosanctum Eucharistiae Sacramentum devote sumendi propositum habuerint, & pro celeri, ac felici recuperatione dictae Civitatis, ac Ducatus Ferrariensis, pias ad Deum preces effuderint, plenariam omnium peccatorum suorum indulgentiam, & remissionem misericorditer in Domino concedimus.

Peccat spirituales contra ei auxilium praestantes &c.

§. 27. Ceterum cum non solum delinquentes, sed etiam ipsis assensu, vel auxilium praebentes in crimine pari poena plebendos canonica condemnet auctoritas, eos favore delinquentibus interpretans, qui manifestum facinus permittunt: si qui Reges, Respublicas, Duces, Principes, Marchiones, Comites, Barones quantumvis liberi, & exempti, nec non si quae aliae Communitates, & Universitates quaecumque potestatem, & dominium habentes tam in Italia, quam extra Italiam, ubique locorum & gentium constituta: Nec non si qui etiam armorum Duces, Capitanei, praefecti militum, ipsique milites, & aliae quaecumque particulares personae, quarum omnium, & singularum nomina, cognomina, gradus, & qualitates, ac si hic in specie, & singillatim inserta essent, praesentibus pro expressis haberi volumus, per se, vel alium, seu alios publice, vel occulte, directe, seu indirecte quovis quaesito colore, & praetextu eidem Caesari, & aliis monitis, excommunicatis, anathematizatis, maledictis, privatis, & inhabilitatis ad impediendam recuperationem Civitatum, Terrarum, Castrorum, Oppidorum, Arcium, Fortalitiorum, & locorum ad Nos, Romanamque Ecclesiam, Sedemque, & Camerae praedictae devolutorum praedictorum milites, equos, naves, triremes, & alia navigii genera, arma, munimenta militaria, pecunias, aut commeatum concedere, tradere, & ministrare, seu consensum, auxilium, consilium, vel favorem quovis modo praebere praesumpserint, aut eorum militibus, armigeris, legionariis, & stipendiariis, nec non auxiliariis copiis, etiam externis, & alienigenis, & aliis quibuscumque, iter, seu transitum per eorum loca, & ditones concesserint, & permiserint, quicumque si fuerint, & quantumvis excelsa, & Regali, & Imperiali dignitate pra-

fulserint, etiam quod speciali nota indigeant, nec sub generali expressione veniant, ipsi quoque excommunicationis majoris, & maledictionis aeternae vinculo ligati, & censuris Ecclesiasticis innodati, divinoque percussu anathemate sint eo ipso, nec de salute animae aliquid unquam sperent, aut praesumant, nisi ante finem vitae poenitentiam agentes praevia condigna satisfactione, Apostolicae Sedis gremio benigne recepti, & fidelium unitati fuerint gratiose restituti, prout ex nunc illos, & quemlibet eorum censuris omnibus praedictis innodamus, & anathemate percutimus, nec non ultra alias poenas, a sacris Canonibus, & Apostolicis Constitutionibus inflatas, eos, si Ecclesiastici fuerint, quaecumque dignitate, quantumvis speciali nota digna praesulgeant, si vero laici, eorum filios, & descendentes usque ad quartam generationem quoscumque qualibet hujusmodi dignitate Ecclesiastica, ac Ecclesiis, Monasteriis, dignitatibus, pensionibus, & beneficiis, & redditibus Ecclesiasticis quantumvis speciali nota dignis, ex nunc, prout ex tunc perpetuo privamus, ac ad illa, & alia impostero obtinenda profus inhabilitamus. Et ulterius in eorum Regnis, Provinciis, Civitatibus, & locis quibuscumque Sacramentorum, & Divinorum Officiorum, & humani commercii usum, ut de aliis Civitatibus, & locis superius expressis dictum est, & infra etiam dicetur, interdicimus, illorum praeterea singularibus personis, nisi se correxerint, & a praemissis abstinuerint, divinam praedicimus ultionem.

Admonentur Christiani, ut excommunicatos evitent.

§. 28. Demum supradictis omnibus, & singulis excommunicatis, anathematizatis, & maledictis, & quicumque illorum, nomina, & cognomina ipsorum, ac si hic in specie inserta essent, praesentibus pro expressis similiter, ut supradictum est habentes, communionem, participationem, & commercium quorumlibet Christianifidelium interdicimus, & prohibemus: ipsique Christianifidelibus injungimus, ut ipsos excommunicatos, anathematizatos, & maledictos evitent, & faciant, quantum in eis est, ab aliis evitari, nec ad eos, aut aliquem ipsorum, frumentum, segetes, blada, panem, Vinum, Carnem, aut aliud quodcumque commeatum, & cibarii genus, vel etiam pecunias, pannos, vestes, aliasve res, & merces deferre, portare, vel eis vendere, aut alio quocumque modo tradere, vel in eos transferre, aut vicissim ab illis emere, vel quoquo modo recipere praesumant, nec etiam permittant, ut haec ab aliis fiant, alioquin ipsos quoque secus facientes, singulares nimirum personas, paribus excommunicationis, anathematis, & maledictionis, Civitates vero, Terras, Castra, & loca, quorum Domini, vel Communitates, & Universitates contra fecerint, Ecclesiastici Interdicti vinculis, ut supradictum est, innodamus, ac simili modo illis communionem, participationem, & commercium aliorum fidelium interdicimus. Significantes nihilominus illis universis, Nos, in eventum in

1597.

in quem aliqui ipsorum contra praemissa aliquid fecerint, statim ad particularem, ac specialem supradictarum censurarum, & Interdicti, aliarumque poenarum pronuntiationem, & promulgationem contra quemlibet ipsorum nominatim, & irremissibiliter processuros.

Forma publicandi praesentem Conlitiutionem.

§. 29. Ut autem praemissa omnibus magis innotescant, universis, & singulis Venerabilibus fratribus Patriarchis, Archiepiscopis, Episcopis, aliisque Patriarchalium, Metropolitanarum, & aliarum Cathedralium, & Collegiarum Ecclesiarum Praelatis, Capitulis, & personis aliis Ecclesiasticis, & quorumvis Ordinum etiam Mendicantium, nec non quorumcumque Institutorum Religiosis exemptis, & non exemptis, in quibuscumque locis, & praesertim in Italia constitutis, in virtute sanctae obedientiae similiter districte praecipiendo mandamus, quatenus ipsi, & quilibet eorum, poquam praesentes ad eorum notitiam quovis modo pervenerint, sub similibus censuris, & poenis per eos, & singulares personas eorundem Capitulorum, & Conventuum eo ipso incurrendis, supradictum Casarem, nec non alios monitos, excommunicatos, aggravatos, reaggravatos, anathematizatos, interdictos, privatos, & inhabilitatos praedictos, si decursis eis assignatis terminis praedictis respective, praemissa, prout ad eorum quemlibet pertinent, non adimpleverint, in eorum, quisque Ecclesiam Dominicis, & aliis Festivis diebus, cum major inibi Populi multitudo ad divina convenerit, cum Crucis Vexillo, pulsatis Campanis, accensis Candelis, ac demum extinctis, & in Terram projectis, & conculcatis, cum trina lapidum projectione, aliisque in talibus servari solitis, Coeremoniis, excommunicatos, & aliis censuris praedictis irretitos, publicent, nuncient, & faciant, ac mandent ab aliis publicari, ac nunciari, ac ab omnibus arctius evitari: Nec non omnibus aliis Christianis fidelibus, ut eos evitent, & pari modo sub praedictis censuris, & poenis praesentes literas, vel earum transcriptum sub infrascripta forma factum, infra terminum trium dierum in Ecclesiis, Monasteriis, Conventibus, & aliis eorum locis publicari, & affigi faciant, & eisdem monitis, & excommunicatis propter eorum contumaciam cuncta necessaria, ut praesertur, denegent ministrari, donec corde compuncti, spiritum assumentes consilii sanioris nostris monitionibus, & mandatis praedictis in omnibus obtemperaverint, & meruerint a censuris, & poenis praedictis absolutionis, & restitutionis beneficium, ac integram a Nobis, & Sede praedicta gratiam obtinere.

Excommunicantur impudenter praesentium publicationem.

§. 30. Excommunicamus quoque, & censuris praedictis innodamus omnes, & singulos supranominatos, cujuscumque status, dignitatis, gradus, ordinis, & conditionis, & praesentia extiterint, etiam si Imperiali, Regali, aut alia quacumque dignitate praesulerint, qui quominus praesentes literas nostras, vel earum transcripta, copia, seu exemplaria, in suis Dominis, Civitatibus, Terris, & locis legi, affigi, aut publicari,

ac illa ad omnium notitiam deduci possint in causa fuerint, vel aliquid propterea fecerint, vel fieri quoquo modo mandaverint, atque Ecclesiis, Monasteriis, Conventibus, & aliis quibuscumque locis, in quibus fuerit denegatum per illorum Praefules, Praelatos, & personas, literas ipsas publicari, omnia privilegia, Indulta, Immunitates, & gratias a Sede praedicta concessas tollimus, adimimus, & revocamus, illaque ablata, adempta, & revocata esse statuimus, atque decernimus.

§. 31. Caterum, ne hac in re aliquid, quod ad paterni nostri officii munus pertineat, praetermittamus, aut a Nobis desiderari aliquo pacto patiamur, volumus, ac supradictarum Civitatum, Terrarum, Oppidorum, Castrorum, & locorum Episcopis, aliisque Ordinariis, nec non Parochis, Rectoribus, & aliis curam Animarum habentibus, ac Verbi Dei Concionatoribus, Religiosis, Theologis, & Confessoribus, ceterisque personis totius Cleri, tam saecularis, quam cujusvis Ordinis, & Instituti Regularis, quos zelum Dei, & salus animarum habere decet, in virtute sanctae obedientiae injungimus, ut duodecim dierum, & aliorum praedictorum monitis, primodictis praefixorum spatio adhuc durante ipso nimirum intermedio tempore, antequam excommunicationis poenam ob inobedientiam incurrant, assiduis orationibus summo spiritus fervore clament ad Dominum, ne patiantur dictum Casarem, & qui eum sequuntur, in profundum malorum venire, & ipsam ultionem Dominum contemnere, in cujus manus incidere horribile est, sed illuminet oculos eorum, ne obdormiant in morte, tam omnes privatim, & publice admonent, quam metuenda res sit excommunicatio, qua impii, & obdurati, ac inobedientes ab Ecclesia Catholica, quae est Corpus Christi, separantur, & a fidelium consortio, & sanctorum Communionem arcentur longissime, ac propterea pareant mandatis Ecclesiae, neve ullis humanis rationibus, tantam animarum suarum perniciem patiantur. Quid enim prodest homini si universum Mundum lucretur, animae vero suae detrimentum patiatur? aut quam dabit homo commutationem pro anima sua? alioquin eos, qui in cordis duritia, & inobedientia permanserint, maledictos, & execrabiles fore comminatur, & cum Juda proditore, & cum Diabolo, & Angelis ejus rebellibus partem habituros in igne, & cruciatibus sempiternis.

Preces ad Deum porrigende, ne fiat quemquam in his spirituales poenas incidere.

§. 32. Postremo, quia difficile foret, praesentes literas ad singula quaque loca deferri, in quibus earum publicatio necessaria foret, volumus, & praedicta auctoritate decernimus, ut earum transcriptis, etiam impressis, & in Italicum, seu quodvis aliud idioma fideliter conversis, manu alicujus Notarii publici subscriptis, & sigillo alicujus personae in dignitate Ecclesiastica constituta munitis ubique locorum, & gentium eadem omnino fides habeatur, quae praesentibus ipsis, si forent exhibitae, vel ostensa, haberetur.

Fides praesentium transumptis danda.

Et

1597.

Publicatio praesentium Constitutionum.

§. 33. Et nihilominus, ne quis aliquam praemissorum ignorantiam praetendere, aut ullo unquam tempore illam allegare, seu se excusare possit, easdem praesentes literas in loco solito Palatii nostri Apostolici apud Sanctum Petrum, ubi literae processus Romanorum Pontificum die Coenae Domini publicari solent, praesentibus S. R. E. Cardinalibus, ac aliorum fidelium multitudine copiosa, fecimus publicari, & praeterea, tam in Urbe nostra, in Lateranen., & Principis Apostolorum de Urbe Basilicarum, & in Cancellaria nostrae Apostolicae Valvis, ac in acie Campi Florae, per aliquem ex Cursoribus nostris, quam etiam in Metropolitan., Bononien., & Cathedralis Cervien. Ecclesiarum Valvis, more solito legi, & publicari, ac ibi affigi, & per aliquod temporis spatium affixas dimitti, eisque postea inde detractis, earum exempla in eisdem locis pariter affixa relinqui volumus, & mandamus. Decernentes publicationem, & affixionem hujusmodi Casarem, & alios monitos, excommunicatos, aggravatos, reaggravatos, anathematizatos, maledictos, privatos, & inhabilitatos, ac ceteros quoscumque in eisdem praesentibus literis quomodolibet comprehensos perinde arctare, & afficere, ac si literae praedictae illis, & singulis eorum personaliter notificatae, exhibitae, & intimatae fuissent.

Derogatio contrariorum.

§. 34. Non obstantibus praemissis, & quibuscumque Apostolicis, nec non in Universalibus, Provincialibus, & Synodalibus Conciliis editis generalibus, seu specialibus Constitutionibus, & Ordinationis, ac quibusvis privilegiis, Indultis, & literis Apostolicis cuicumque praedictorum in praesentibus literis comprehensorum, nec non Mendicantium, ac Cisterciens., Cluniacens., Praemonstraten., & alius cujusvis Ordinis, & Instituti Regularibus, etiam Maremagnum, & Bulla Aurea, vel alias quomodolibet nuncupatis, ceterisque Religiosis personis, & Clericis saecularibus, nec non ipsis Regnis, Dominis, Rebus publicis, Ducatibus, Principatibus, Civitatibus, Terris, & locis, ceterisque aliis quibuscumque sub quavis forma, vel expressione verborum, ac sub quibusvis tenoribus, & formis, & cum quibusvis clausulis, etiam derogatoriis derogatoriis, aliisque efficacioribus, & insolitis clausulis, ac irritantibus, & aliis Decretis in contrarium praemissorum quomodolibet concessis, confirmatis, & innovatis. Ac etiam si Casari, necnon ceteris omnibus, & singulis praedictis, etiam Patriarchis, Archiepiscopis, Episcopis, nec non etiam si ipsis Imperatori, Regibus, Rebus publicis, Ducibus, Principibus, Marchionibus, Comitibus, Baronibus, Feudatariis, Castellanis, Civibus, Incolis, & habitatoribus, & aliis praedictis, vel quibusvis aliis communiter, vel divisim ab eadem sit Sede indultum, quod interdicti, suspendi, vel excommunicari non possint per literas Apostolicas non facientes plenam & expressam, ac de verbo ad verbum de Indulto hujusmodi mentionem, & quibuslibet aliis privilegiis, Indulgentiis, & literis Bull. Rom. Tom. V. Par. II.

Apostolicis specialibus, vel generalibus, quorumcumque tenor existant, per quae praesentibus non expressa, vel totaliter non inserta, effectus earum impediri valeat quomodolibet, vel differri, & de quibus, quorumque totis tenoribus habenda esset in eisdem praesentibus literis mentio specialis; Quae omnia, & singula, eorum tenores praesentibus pro expressis habentes, quoad hoc nolumus cuiquam aliquatenus suffragari, illisque omnibus, & singulis ad eorundem praesentium effectum, harum serie specialiter, & expresse, ac latissime derogamus, & derogatum esse volumus, & decernimus;

Clausula.

§. 35. Nulli ergo omnino hominum liceat hanc paginam nostrarum suppletionis, declarationum, decretorum, promulgationum, denunciationum, privationum, absolutionum, liberationum, remissionum, relaxationum, requisitionum, monitionum, mandatorum, aggravationum, subjectionum, perstrictionum, pronuntiationis, interdictionum, prohibitionum, suspensionum, statutorum, praecceptorum, voluntatum, hortationum, injunctionis, inhibitionum, cassationis, revocationis, irritationis, appropriationis, applicationis, danti, concessionum, innodationum, percussione, inhabilitationis, expositionis, excommunicationis, & derogationis infringere, vel ei ausu temerario contraire. Si quis autem hoc attentare praesumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Dat. die 22. Decem. 1597. An. VI.

Datum Romae apud Sanctum Petrum Anno Incarnationis Dominicae millesimo quingentesimo nonagesimo septimo, undecimo Kalendas Januarii, Pontificatus nostri Anno VI.

PP. Cardinaliumque subscriptiones.

Ego Clemens Catholicus Ecclesiae Episcopus.

Protector noster aspicere Deus.

- * Ego Innocentius Episcopus Portuensis Card. de Aragona.
* Ego Prolomaeus Episcopus Tuscanus Card. Alexandrinus.
* Ego Ludovicus Episcopus Sabinensis Card. Madvntius.
* Ego Julius Antonius Episcopus Cardin. Praenestinus, & S. Severina.
* Ego Hieronymus tit. S. Mariae Transtiberim Card. Rusticucius.
* Ego Hieronymus tit. S. Prisca Card. Simoncellus.
* Ego Petrus tit. S. Laurentii in Lucina Card. Deza.
* Ego Antonius Maria Card. Salvianus tit. S. Mariae de Pace.
* Ego Augustinus tit. S. Martini Presbyter Card. de Verona.
* Ego

- * Ego Simeon tit. S. Hieronymi Card. de Terra nova.
- * Ego Scipio tit. S. Salvatoris in Lauro Card. Lancelottus.
- * Ego Henricus tit. S. Pudenciana Card. Cujetanus S.R.E. Camerarius.
- * Ego Dominicus tit. S. Chrisogoni Presbyter Card. Pinellus.
- * Ego Fr. Hieronymus Berneius tit. S. Maria super Minervam Presbyter Card. Asculan.
- * Ego Antonius tit. S. Stephani in Monte Caelio Card. Santius.
- * Ego Mariannus Perbenedictus tit. Sanctorum Petri, & Marcellini Presbyter Card. de Camerino.
- * Ego Fr. Gregorius tit. S. Augustini Presbyter Card. de Montelparo.
- * Ego Paulus tit. S. Gacilie Presbyter Card. Sfondratus.
- * Ego Benedictus tit. S. Marcelli Presbyter Card. Jullianus.
- * Ego Augustinus tit. SS. Joannis, & Pauli Card. Cusanus.
- * Ego Franciscus Maria tit. S. Maria in Araceli Card. a Monte.
- * Ego Octavius tit. S. Alexii Presbyter Card. Paravicinus.
- * Ego Hieronymus tit. S. Pancratii Presbyter Card. Matthaeus.
- * Ego Octavius tit. S. Maria de Populo Presbyter Card. Aquaviva.
- * Ego Flaminius tit. S. Florentii Presbyter Card. Platus.
- * Ego Federicus S. Maria Angelorum Presbyter Card. Borromaus.
- * Ego Lutus tit. SS. Quirici, & Julite Presbyter Card. Saxus.
- * Ego Guido tit. S. Petri in Monte Aureo Presbyter Card. Popolus.
- * Ego Franciscus tit. S. Martini in Montibus Presbyter Card. Cornelius.
- * Ego Camillus tit. S. Eusebii Presbyter Card. Burgheus.
- * Ego Cesar Baronius tit. SS. Nerei, & Achillei Card. Bibliothecarius.
- * Ego Laurentius tit. S. Laurentii in Pane, & Perna Presbyter Card. Blanchettus.
- * Ego Franciscus tit. S. Silvestri Presbyter Card. de Avila.
- * Ego Ferdinandus tit. S. Blasii de Anulo Presbyter Card. de Gevara.
- * Ego Franciscus tit. S. Thoma in Pavione Card. Mantica.
- * Ego Pompejus tit. S. Balbina Presbyter Card. Arigonus.
- * Ego Franciscus Card. Sfortia S. Maria in Via lata.

- * Ego Alexander S. Laurentii in Damaso S. R. E. Vice-Cancellarius Diaconus Card. Montanus.
- * Ego Ascantius S. Maria in Cosmedin Diaconus Card. Columna.
- * Ego Odoardus S. Eustachii Diaconus Cardinalis Furnesius.
- * Ego Antonius SS. Quatuor Coronatorum Card. Facchenettus.
- * Ego Cymbius Diaconus Cardinalis Sancti Georgii.
- * Ego Bartholomaeus S. Maria in Porticu Card. Casius.
- * Ego Andreas S. Maria in Domnica Diat. Card. Peretus.

CLXVII.

Confirmatio Erektionis Congregationis Doctrinae Christianae in Civitate Avenionensi cum facultatum, & indulgentiarum nonnullarum concessione.

Ex Regest. in Sec. Brevo.

CLEMENS PAPA VIII.

Ad perpetuam rei memoriam.

Exordium. Xpocit debitum nostri Pastoralis officii, ut in eam curam nostrae sollicitudinis partes intendamus, per quam Christianis ad Christianam doctrinam addiscendam via faciliter aperitur, ita ut in ipsis hujusmodi doctrina imbutis in dies crescat divinorum observantia praceptorum.

Exordium.

§.1. Cum itaque, sicut accepimus, nonnulli pii Christiani Avenione commorantes pio alii Christianis in his, quae ad salutem sunt, juvandi desiderio ducti, & considerantes in his Hetericorum, & Schismaticorum tenebris non solum pueros teneros in Doctrina Christiana educandos, sed & homines proventus, & natu majores hujusmodi Doctrinae Christianae rudes in illa instruendos esse, ab anno Domini millesimo quingentesimo nonagesimo secundo, auctoritate Venerabilis Fratris Jo: Francisci Episcopi Cavallicen. tunc in Civitate nostra praedicta Avenionen. Vice-Legati, ut pro hujusmodi exercitio vacarent, & in Vinea Domini fructus aliquos producerent, quamdam inter se Congregationem ad Christianam Doctrinam rudes edocendum instituerunt, cujus Congregationis fideles postea dilecti filii nostri Francisci Mariae Sancti Bartholomaei in Insula Presbyteri Cardinalis, tuncque Ecclesiae Avenionen. ex concessione, & dispensatione Apostolica Praefatus ope, & favore adjuti in Ecclesia Sanctae Praxedis Avenionen., & aliis quibusdam locis Comitatus Venaisini hucusque opus hujusmodi continuarunt, & adhuc magno cum fructu in illo perseverant.

Congreg. Doctrinae Christianae Avenione auctoritate Archiepiscopi, & Vice-Legati instituta.

§.2. Cum autem, sicut idem Franciscus Maria Cardinalis Nobis nuper exposuit

Card. Avenionensis eam

apostolica auctoritate confirmari potest.

fuit, messis multa sit, operarii vero pauci, sintque ad tantum opus peragendum plures & diversae personae, & aliqui redditus anni pro earum sustentatione necessarii, ipsaque Congregatio nullos omnino redditus habeat, elemosynae autem refrigerante charitate ita rare sint, ut vix ad trium, vel quatuor sustentationem sufficere possint, & ideo si auctoritate Apostolica hujusmodi Congregatio perpetuo institueretur, in quam homines in timore Domini emeritum Ecclesiastici, tum laici in continentia vitam suam ducere proponentes, qui huic exercitio singulis Festivis, & Dominicis, & aliis, si opus esset, diebus invigilarent, reciperentur, & hoc profecto pio operi praedicto admodum consultum esset. Quare idem Franciscus Maria Cardinalis Nobis humiliter supplicavit, ut in praemissis opportune providere de benignitate Apostolica dignaremur.

Confirmatio Clemens.

§.3. Nos, qui piis operibus nostri favoris praesidium libenter impertimur, singulares dictae Congregationis personas a quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis a jure, vel ab homine quavis occasione, vel causa latis, si quibus quomodolibet innodata existunt, ad effectum praesentium dumtaxat consequendum harum serie absolventes, & absolutas fore sententes, hujusmodi supplicationibus inclinati, Congregationem praedictam, ut praefertur, etiam auctoritate Apostolica tenore praesentium perpetuo confirmamus, & approbamus, seu quatenus rite erecta non fuerit, de novo unam Congregationem Doctrinae Christianae nuncupandam in Civitate praedicta Avenionen., in quam cujusvis status, & conditionis probatae tamen vitae homines, dummodo in continentia vendi firmum propositum habuerint, recipi possint, qui singulis festis Dominicis, ac aliis, cum opus fuerit, diebus in Ecclesia Sancti Joannis veteris nuncupati Civitatis nostrae Avenionen. ad hoc opus per Nos institutam, & designatam, aut aliis Ecclesiis, seu locis per loci Ordinarium ad hoc designandis Pueros, ac alios cujusvis aetatis Christianae Doctrinae ignaros congregari faciant, ibique eisdem bonis moribus, & sana hujusmodi Doctrina imbuant, ac in articulis fidei instruant, eosque in viam mandatorum Domini, & Ecclesiae dirigant, & confirmant.

Vicarius Congregationis hujusmodi concedit facultates.

§.4. Presbyteri vero a locorum Ordinariis ad id approbati confessiones audire, Verbum Dei praedicare, & Sacrosanctum Eucharistiae Sacramentum Christianis vere poenitentibus, & confessis administrare possint, quatenus vero ex laicorum praedictorum labore, & industria provenientes cum ceterorum redditibus, tum ex clericorum eorundem beneficiis Ecclesiasticis, ac patrimoniis, si quae habeant, provenientibus in arca communi reponantur, ut exinde habeant quo sustentari possint. Eliganturque in hujusmodi Congregatione unus ex dictis Presbyteris, qui caput, & superior sit, cuique re-

liqui obedire teneantur tam in dicta Congregatione Avenionen., quam aliis locis quibuslibet vicinis, Apostolica auctoritate tenore praesentium erigimus, & institui-mus, ac Ecclesiasticis, & aliis nunc, & pro tempore existentibus dictae Congregationis personis quaecumque statuta, & ordinationes licita tamen, & honesta, ac sacris Canonibus, & Decretis Concilii Tridentini non contraria, ac prosperum dictae Congregationis statum concernentia ab Ordinario loci postea approbata condendi, & condita, quando expediens fuerit, de dicti Ordinarii licentia mutandi, aliaque ad id necessaria, & opportuna faciendi licentiam, & facultatem tribuimus.

Et privilegia, etiamque spirituales.

§.5. Ut autem dicta nunc, & pro tempore existentes hujus Congregationis personae piis operibus promptius vacare studeant, & Christiani fideles ad dictam Congregationem ingrediendum magis invitentur, quo ex hoc dono caelestis gratiae conspexerint se ulterius esse resectos, de Omnipotentis Dei misericordia, ac Beatorum Petri, & Pauli Apostolorum eius auctoritate confisi omnibus, & singulis utriusque sexus Christianis libere vere poenitentibus, & confessis, qui dictam Congregationem pro tempore ingrediuntur, die eorum ingressus, si vere poenitentes, & confessi Sanctissimum Eucharistiae Sacramentum sumperint, plenariam, & in cujuslibet eorum mortis articulo, si pariter vere poenitentes, & confessi, sacrae Communionis resecti fuerint, vel quatenus id facere nequiverint saltem vere contriti nomen Jesu ore, vel corde devote invocaverint, etiam plenariam, ac tam ipsis jam descriptis, & in dicta Congregatione describendis, quam aliis utriusque sexus Christianis libere etiam vere poenitentibus, & confessis, ac Sanctissima Communionis resectis, qui praedictae Congregationis Ecclesiam, vel Cappellam in festo Annuntiationis Beatae Mariae Virginis a primis Vesperis usque ad occasum Solis ejusdem festi singulis annis devote visitaverint, & ibi pro Christianorum Principum concordia, haereticorum extirpatione, ac Sanctae Matris Ecclesiae exaltatione pias ad Deum preces effuderint, plenariam similiter omnium peccatorum suorum indulgentiam, & remissionem misericorditer in Domino concedimus. Insuper eisdem nunc, & pro tempore existentibus in dicta Congregatione descriptis utriusque sexus Christianis libere, qui dictam Ecclesiam in secundo Paschatis Resurrectionis, Pentecostes, omnium Sanctorum, & Epiphaniae Domini festivitibus a primis Vesperis usque ad occasum Solis festivitatum hujusmodi pie visitaverint, & ibi, ut praefertur, oraverint, septem annos, & totidem quadragenas: Quoties vero Doctrinam Christianam, ut praefertur, docuerint, aut Missis, & aliis Divinis Officiis in dicta Congregatione pro tempore celebrandis, & recitandis, seu Congregationibus publicis, vel privatis ejusdem Congregationis ubivis faciendis, interfuerint, aut pauperes hospitio susceperint, vel pacem

cum inimicis propriis, vel alterius composuerint, seu componi fecerint, vel procuraverint, nec non etiam qui corpora defunctorum tam in Congregatione descriptorum, quam aliorum ad sepulchrum associaverint, & per quascumque per ipsam Congregationem Processiones de licentia Ordinarii faciendas, dictumque Sanctissimum Eucharistia Sacramentum tam in Processionibus quam ad Infirmos, aut alias ubicumque, & quomodocumque pro tempore deferretur, comitati fuerint, aut campanæ ad id signo dato semel orationem Dominicam, & Salutationem Angelicam dixerint, aut etiam quinquies orationem Dominicam, & Salutationem Angelicam pro Animabus defunctorum in dicta Congregatione descriptorum Christifidelium recitaverint, aut devium aliquem ad viam salutis reducerint, & ignorantibus præcepta ea, quæ ad salutem sunt, docuerint, aut quodcumque aliud pietatis, vel charitatis opus exeruerint, toties pro quolibet prædictorum operum sexaginta dies de injunctis eis, seu alias quomodolibet debitis poenitentibus in forma Ecclesiæ consueta relaxamus. Præsentibus pro descriptis in Congregatione prædicta perpetuo, pro non descriptis vero Christifidelibus ad decennium dumtaxat valituris.

Dat. die 23.
Decembris 1597.
An. VI.

Datum Romæ apud Sanctum Petrum sub Annulo Piscatoris die 23. Decembris millesimo quingentesimo nonagesimo septimo, Pontificatus nostri Anno VI.

CLXVIII.

Ex Regest. in
Secr. Brev.

Confirmatio erectionis Hospitalis Senum, & Bibliothecæ pro instructione Cleri per Archiepiscopum Capuanum factæ.

CLEMENS PAPA VIII.

Ad perpetuam rei memoriam.

Exordium.

DECET Romanum Pontificem ea suæ confirmationis robore libenter communitur, quæ ad Pauperum Senum sustentationem, & subventionem, ac earum personarum Ecclesiasticarum, quæ literarum studiis operam navari cupiunt, commoditatem per pios Ecclesiarum Prælatos instituta sunt, prout in Domino salubriter conspicit expedire.

Archiepiscopus Capuanus Domum pro pauperum Senum Hospitalis, & Bibliothecæ pro Cleri sui instructione parat.

§.1. Cum itaque, sicut accepimus, Venerab. Frater Cæsar Costa Archiepiscopus Capuan. ad Pauperum Senum subventionem unum Hospitalis pro Senibus Pauperibus in Civitate Capuana instituire intendat, & ad hunc effectum quemdam locum ad hoc aptum, & commodum, pretio mille, & centum ducatorum moneta illarum partium proprio ære jam emerit. Cumque præterea apud ejus Ecclesiam Capuan. unam Bibliothecam publicam pro ipsius Ecclesiæ, & Ecclesiasticarum personarum servitio, & commoditate pariter erigere, eisdemque Bibliothecæ suos libros universos

donare proposuerit, & ad hunc etiam effectum unam Domum assignaverit, & pro illius Fabrica quadringentos ducatos similes donaverit: Cupiat autem pro Hospitalis, & Bibliothecæ hujusmodi firmiori stabilitate institutionem, & erectionem hujusmodi Apostolicæ confirmationis præsidio communitur.

Et utramque Pontificia auctoritate petiti confirmari.

§.2. Propterea Nobis ejusdem Cæsaris Archiepiscopi nomine humiliter supplicatum fuit, ut in præmissis opportune providere de benignitate Apostolica digneremur.

Confirmat Clemens.

§.3. Nos igitur ejusdem Cæsaris Archiepiscopi piis votis favorabiliter annuere volentes, hujusmodi supplicationibus inclinati, institutionem, & erectionem Hospitalis, & Bibliothecæ prædictorum si, & postquam factæ fuerint, auctoritate Apostolica tenore præsentium perpetuo confirmamus, & approbamus, ac perpetuæ firmitatis Apostolicæ munimine roboramus.

Et libros ex Bibliothecâ distracti sub excommunicationis poenâ vetat.

§.4. Præterea pro diuturniori Bibliothecæ prædictæ conservatione, quoscumque libros in eadem Bibliotheca per dictum Cæsarem Archiepiscopum collocandos, & eidem applicandos ex illa nullo tempore quovis prætextu, causa, vel occasione etiam per Archiepiscopos pro tempore existentes extrahi posse perpetuo prohibemus, & ipsi Archiepiscopi sub suspensionis a divinis, & interdicti ingressus Ecclesiæ, ceteris vero quibuscumque personis tam laicis, quam clericis cujuscumque status, gradus, ordinis, conditionis, & dignitatis fuerint, sub excommunicationis majoris poenâ, ne libros hujusmodi e dicta Bibliotheca ulla occasione, vel prætextu, aut etiam temporis spatio extrahere præsumant, perpetuo pariter interdiciamus, & inhiemus.

Obstantia tollit.

§.5. Non obstantibus Constitutionibus, & Ordinationibus Apostolicis, ac quibusvis statutis, & consuetudinibus etiam juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis quibusvis in contrarium præmissorum quomodolibet concessis, confirmatis, & approbatis. Quibus omnibus, & singulis eorum tenores, præsentibus pro expressis habentes, hac vice dumtaxat specialiter, & expresse derogamus, ceterisque contrariis quibuscumque.

Dat. die 30 Decembris 1597. An. VI.

Datum Romæ apud S. Petrum sub Annulo Piscatoris die 30. Decembris millesimo quingentesimo nonagesimo septimo, Pontificatus nostri Anno VI.

Præ-

CLXIX.

Ex Regest. in
Secr. Brev.

Præcipitur Archiepiscopo Elboren., ne novos Christianos, qui originem a Judæis, vel Hæreticis trahunt, juxta sententiam Congregationis Concilii, Constitutionemque Bonifacii VIII. a Sacris Ordinibus excludat.

Ven. fratri Archiepiscopo Elboren.

CLEMENS PAPA VIII.

Ven. frater salutem, & Apostolicam benedictionem.

Exordium.

CUM ex injuncto Nobis Apostolicæ servitutis officio Christifidelibus omnibus æque debitores simus, nullamque apud Deum adesse personarum acceptionem plane sentiamus, id circumspicere ratione providere tenemur, ut Jus suum unicuique tribuatur.

Causæ faciendi mandati.

§.1. Nuper siquidem ad Nos perlatum est, quod licet semel, atque iterum in Congregatione Venerabilium Fratrum nostrorum Sanctæ Romanæ Ecclesiæ Cardinalium Sacri Tridentini Concilii interpretum post maturam præhabitam disputationem, resolutum fuerit, quod licet ex Sacri Tridentini Concilii præcepto cap. 7. sess. 23. teneatur Episcopus ordinandorum genus, personam, ætatem, institutionem, mores, doctrinam, & fidem investigare, & examinare diligenter, eos tamen, qui originem a Judæis ducunt, quique ab hæreticis descendunt per paternam lineam nimirum ultra secundum, & per maternam ultra primum gradum, ab ordinatione excludere minime deberent, quin neque etiam eos, qui filii, vel nepotes eorum essent, quos licet hæretici fuerint, constat tamen emendatos esse, & unitati, corporique Ecclesiæ restitutos, quod nimirum susceperint pro admittenda culpa ad mandatum Ecclesiæ poenitentiam, quam aut perfecerunt, aut ei perficiende insistant, vel certe quod eam percipere sunt parati juxta Constitutionem fere. Bonifacii Papæ VIII. Prædecessoris nostri, quæ incipit Statutum. Id tamen intelligendum esset, ubi Apostolico aliquo privilegio, aut confirmatione contrarium cautum non sit, & nisi aliud canonicum obstat impedimentum: Nihilominus Tu, licet alias de hac re monitus, tales personas ad Sacros Ordines, quod egre tulimus, admittere recusas.

Mandatum de quo in Rubrica.

§.2. Proinde Nos, qui ea, quæ per Apostolicas sanctiones provide cauta sunt, facta testæ conservare, scandalis, quæ inde provenire possent, obviam ire satagimus, Fraternitati tuæ per presentes in virtute sanctæ obedientiæ, ac sub indignationis nostræ, aliisque arbitrii nostri poenâ districte præcipimus, & mandamus, ut juxta dictæ Congregationis sententiam, ac dicti Bonifacii Prædecessoris Constitutionem, supradictas personas quascumque ab hæreticis per paternam lineam ultra secundum, & per ma-

ternam ultra primum gradum, vel a Judæis originem trahentes, ac etiam filios, & nepotes hæreticorum, quos emendatos, & unitati Ecclesiæ restitutos esse constat, alioquin tamen idoneas, nec ubi aliud canonicum obstat impedimentum, a Sacris Ordinibus imposterum minime excludas, sed illos sine aliqua personarum acceptione libenter ad hujusmodi Ordines promoveas, & promoveri cures.

Obstantium derogatio.

§.3. Non obstantibus Constitutionibus, & Ordinationibus Apostolicis, ac quibusvis statutis, & consuetudinibus, etiam Juramento, confirmatione Apostolica, vel quavis firmitate alia roboratis, privilegiis quoque, indultis, & literis Apostolicis in contrarium quomodolibet concessis, confirmatis, approbatis, & innovatis, ac ceteris in contrarium facientibus quibuscumque.

Dat. die 11. Januarii 1598. An. VI.

Datum Romæ apud S. Petrum sub Annulo Piscatoris die 11. Januarii 1598. Pontificatus nostri Anno VI.

CLXX.

Collegium Ordinis Fratrum Prædicatorum Civitatis Angelorum in Indiis Orientalibus Provinciæ Mexicane sub Invocatione S. Ludovici, in publicam Universitatem erigitur, eique privilegia, ceteris Universitatibus studiorum generalium concedi solita, conceduntur.

Ex Regest. in
Secr. Brev.

CLEMENS PAPA VIII.

Ad perpetuam rei memoriam.

SEDES Apostolica benigna studiosorum fautrix, & adjutrix, ad ipsorum studiosorum commoda libenter prospicit, eaque gratiosè concedit, per quæ ipsi laborum suorum optatum fructum consequi valeant.

Procuratio.

§.1. Cum itaque, sicut accepimus, in Civitate Angelorum Tlaxcallen. Diocesis in Indiis Orientalibus, unum Collegium Ordinis Prædicatorum sub invocatione Sancti Ludovici erectum, & institutum existat, in quo a Patribus ejusdem Ordinis viris scientia, & doctrina præstantibus diversarum lectiones scientiarum quotidie habentur, quarum audiendarum causa frequens scholarium etiam secularium tum Civitatis, tum aliorum vicinorum locorum numerus illuc accedere solet, cumque in illis partibus nulla hucusque erecta sit studii generalis Universitas, in qua scientia publice doceri, & in iis gradus consueti studiosis conferri possint.

Causæ erigende hujusce Universitatis.

§.2. Nos Collegium prædictum, ejusque Religiosos, & personas specialibus favoribus, & gratiis prosequi volentes, ac Rectorem, & singulares ejusdem Collegii personas a quibusvis excommunicationis, suspensionis, & interdicti, aliisque ecclesiasticis sententiis, censuris, & poenâ a Jure, vel ab homine quavis occasione, vel causa latas

Erectio.

latis, si quibus quomodolibet innodata existunt, ad effectum presentium dumtaxat consequendum harum serie absolventes, & absolutas fore censentes, supplicationibus etiam Ven. fratris Michaelis Episcopi Albanen. Cardinalis Alexandrini Ordinis Prædicatorum Protectoris, nec non dilecti filii Augustini Davila Padilla Procuratoris generalis Provinciae Mexicanae Nobis super hoc humiliter porrectis inclinati, Collegium prædictum in Universitatem studii generalis auctoritate Apostolica tenore presentium perpetuo erigimus, & instituiamus.

Concessio privilegiorum.

§.3. Illique sic erectæ, & institutæ, ac illius pro tempore Reclori, Magistris, Professoribus, scholasticis, & aliis quibuscumque personis, ut omnibus, & singulis privilegiis, gratiis, & indultis, exemptionibus, libertatibus, immunitatibus, prærogativis, honoribus, præminentis, favoribus, & facultatibus etiam circa Doctores in artibus Philosophiæ, scientiæque civili & utroque Jure, ac Medicina, & Notarios creandos, alioque studiorum gradus conferendos, & aliis quibuslibet, quibus aliæ similibus studiorum generalium universitates ubivis locorum, & gentium institutæ, illorumque Rectores, Magistri, Professores, scholastici, & aliæ personæ de Jure, usu, consuetudine, aut alias quomodolibet tam ex Apostolica, quam Imperiali, seu Regali auctoritatibus utuntur, fruuntur, potiuntur, & gaudent, atque uti, frui, potiri, & gaudere possunt, & poterunt pariformiter, & æque principaliter uti, frui, potiri, & gaudere possint, valeant, & debeant: utque in ipsa Universitate pro tempore ad gradus quoscumque promoti, pari auctoritate, facultate, & dignitate præfulgeant, iisdemque privilegiis, gratiis, honoribus, & prærogativis perfruantur, atque alii in aliis universitatibus promoti, ita ut nulla inter eos fiat differentia, nec fictio locum habeat, auctoritate Apostolica tenore presentium concedimus, & indulgemus, ipsiusque Universitatis Reclori, & Administratoribus, pro ipsius universitatis felici regimine quæcumque statuta licita, & honesta, ac Sacris Canonibus, & Concilii Tridentini Decretis conformia condere valeant, facultatem impertimur.

Episcopus Tlaxcalen. perpetuus hu. jusse univers. fratris Præfatus, & Cancellarius.

§.4. Eidem autem Academiae Venerabilem Fratrem modernum, & pro tempore existentem Episcopum Tlaxcalen. loci Ordinarium perpetuo præficimus, ipsumque Episcopum in eisdem Academiae perpetuum Cancellarium constituimus, & deputamus. Utque eadem Academia, ejusque lectores, officiales, & scholares universi, eidem Episcopo Tlaxcalen., tanquam eorum Præfeto, & Cancellario perpetuo subesse, ac parere, & in omnibus obedientiam præstare debeant, & teneantur, ipsius Collegii gubernium, cura, & administratio ad dictum Episcopum Tlaxcalen. privative, quoad dictos Successores, perpetuo spectet, & pertineat. Idem vero Episcopus, & ejus in dicta administratione Successores in primis teneantur omni studio curare, ut in ea-

dem Academia Catholica Religio, & Obedientia Sedis Apostolicæ conserventur, & cum expressa hac conditione, privilegia, & gratias supradictas, & non alias, nec alio modo Nos concessisse declaramus.

Clausula.

§.5. Sicque in præmissis omnibus per quoscumque Judices Ordinarios, & Delegatos, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere decernimus.

Derogatio contrariorum.

§.6. Non obstantibus quibusvis Apostolicis, ac in Universalibus, & Synodalibus, ac Provincialibus Conciliis editis generalibus, vel specialibus Constitutionibus, & Ordinationibus, ac quarumcumque Universitatum studiorum generalium etiam Juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodocumque concessis, confirmatis, approbatis, & innovatis. Quibus omnibus, & singulis illorum tenores presentibus pro sufficienter expressis habentes, hac vice dumtaxat specialiter, & expresse derogamus, cæterisque contrariis quibuscumque.

Datum Romæ apud S. Petrum sub Anno Piscatoris die 11. Januarii 1598. Pontificatus nostri anno VI.

Dat. die 11. Januarii 1598. An. VI.

CLXXI.

Ratificatio Conventionum inter Card. Aldobrandinum nomine Sedis Apostolicæ, & Ducissam Urbini procuratorem nomine Cesaris Estensis initarum super restitutione Ducatus Ferrariensis.

Ex Regest. in Secretis. Breve.

CLEMENSE EPISCOPUS

SERVUS SERVORUM DEI

Ad perpetuam rei memoriam.

SANCTA Romana Ecclesia, quæ inter disciplinam, & misericordiam quasi Regina sedet circumstante exercitu in virga regiminis, est etiam marentium consolatrix in ministerio pietatis: sicut enim reos, & contumaces iusta animadversione coercendo vino utitur distractionis: ita quoque eisdem respicientibus, & ad cor redeantibus ignoscendo oleum adhibet lenitatis, atque eo pacto se modo malorum-severam ultricem, modo clementem, ac piam matrem bonorum ostendit. Ac Nos quidem in excelso Justitiæ Throno, licet nullis nostris meritis, sed solum divina disponente clementia constituti, hoc sane consilio, quemadmodum, cum opus fuit, bonorum ejusdem Ecclesiæ occupatores justis penis affecimus, ita eosdem cordis duritia deposita ad restitutionem promptos non solum benigne absolvere, sed quæcumque cum ipsis nostris, ac Sedis, & Camerae Apostolicæ nomine propterea tractata, & conclusa sunt,

Procedimus.

ut

ut perpetuo firma, & rata existant, Apostolicæ confirmationis robore communire parati sumus.

Cesar Estensis Ducatum Romanæ Ecclesiæ reddere facit.

§.1. Cum itaque, sicut dilectus filius noster Petrus S. Nicolai in Carcere Diaconus Cardinalis Aldobrandinus nuncupatus noster secundum carnem ex fratre germano nepos, & totius Status, & exercitus nostri Ecclesiastici Generalis superintendens a Nobis specialiter cum amplissima facultate deputatus, novissime per literas suas significavit, postquam nimirum diebus proxime elapsis literas nostras super declaratione, & promulgatione censurarum, & aliarum penarum contra dilectum filium nobilem virum Cesarum Estensem, ob ipsius non paritionem sententiæ nostræ, super devolutione ad eandem Romanam Ecclesiam, Sedemque, & Camera prædictam Civitatis, & Ducatus Ferrariensis, illiusque comitatus, & districtus, aliorumque locorum tunc expressorum, undecimo Kal. Januarii Pontificatus nostri anno sexto publicavimus, idem Cesar tanquam obedientiæ filius in ejusdem Ecclesiæ, & Sedis Apostolicæ fide, & devotione perseverare cupiens, sanioribusque consiliis, sicut in Domino optabamus, susceptis, quod Dei, & Romanæ Ecclesiæ est, Deo, & eidem Ecclesiæ reddere decreverit, ac propterea dilectam in Christo filiam nobilem mulierem Lucretiam Eitensem Urbini Ducissam ad prædictum Petrum Cardinalem cum sufficienti mandato miserit, ut videlicet liberam, & pacificam dictæ Civitatis, & Ducatus Ferrariensis cum ejus pertinentiis pro Romana Ecclesiæ, Sede, & Camera prædictis a Nobis petitam restitutionem stabiliret, & ut ipsius Cesaris, aliorumque in prædictis literis nostris comprehensorum abolitionem a Nobis, & eadem Sede benigne reportaret.

Ex Urbini Ducissam delegat ad abolitionem nem petendâ.

Ducissa Urbini restituit, & cum Cardinali Aldobrandino Legato Apost. sequentes pacificas condiciones.

§.2. Cumque dicta Lucretia Ducissa vigore dicti mandati post maturam deliberationem cum prædicto Petro Cardinali habitam, tandem benedicente Domino restitutionem prædictam cum eodem Petro Cardinali sufficienti pariter ad hoc facultate illi per Nos attributa sussulto cum nonnullis conventionibus, pactis, & capitulis conclusit sub infra scripta forma, videlicet.

In nomine Domini. Amen. Presenti publico Instrumento cunctis pateat evidenter, & sit notum, quod anno a Nativitate ejusdem Domini millesimo quingentesimo nonagesimo octavo indictione undecima, die vero duodecima mensis Januarii Pontificatus Sanctissimi Domini nostri Domini Clementis Divina Providentia PP. VIII. anno sexto, volentes Illustrissimus, & Reverendissimus D. Petrus S. Nicolai in Carcere Miseratione Divina Diaconus S. R. E. Cardinalis Aldobrandinus totius Status, & exercitus Ecclesiastici generalis superintendens Sanctissimi Domini nostri, & Sanctæ Sedis, & ejusdem Rev. Camerae Apostolicæ nomine, hoc negotium agens de ejusdem Sanctissimi Domini nostri PP. mandato, & illius viva vocis oraculo sibi, ut asseruit factum, & vigore Brevium prædicti Sanctissimi

Domini nostri, de quibus constat in actis mei Ludovici Martini Camerae Apostolicæ Notarii infra scripti, quorum quidem Brevis copia collationata in Secretaria Provinciae Romandiolæ dabitur, & dimittetur, & pro ipsa Sancta Sede, & Camera promittens de rato, ut infra ex una, & Serenissima Madama Lucretia Estensis Ducissa Urbini Procuratrix D. Don Cesaris Estensis habens ab eodem mandatum sufficiens, & habile rogatum per Dominum Franciscum Rondonum, alterum ex Nobis Notariis infra scriptis, similiter in presenti Instrumento registratum, pro altera parte devenire ad compositionem, transactionem, concordiam, & pacta inter prædictum Illustrissimum, & Reverendissimum Dominum Cardinalem nomine prædicto, ut supra, & prædictam Serenissimam Dominam dicto nomine tractata, & Dei optimi maximi gratia feliciter conclusa super restitutione petita, nomine dictæ S. Sedis Ducatus Ferrariæ, & aliorum locorum, de quibus in infra scriptis pactis fit mentio, idcirco in nostrorum Notariorum in solidum rogatorum, & testium infra scriptorum presentia, presentes, & personaliter constituti prædictus Illustrissimus, & Reverendissimus D. Cardinalis nomine prædicto obligando prælibatum Sanctissimum D. Nostrum PP. ejusque Successores, & etiam Sanctam Sedem, & Rev. Camera Apostolicam, omniaque, & singula eorumdem bona omnia mobilia, & immobilia presentia, & futura, ubicumque existentia, & prædicta Serenissima Domina, dicto nomine agens, Procuratorio nomine ante dicto obligando ipsum Dominum Don Cesarum, & ejus bona omnia presentia, & futura, & alia quæcumque mobilia, & immobilia ubicumque existentia per se, & suos hæredes, & successores sponte, & ex eorum certis scientiis, ac deliberatis voluntatibus, omni meliori, validiori, & efficaciori modo, via, Jure, causa, & forma, quibus magis, & melius potuerunt, & possunt per hoc publicum, & solemne documentum, & pro executione, & conclusione dicti tractatus, & accordii convenerant, declararunt, relaxarunt, composuerunt, transegerunt, & pacti sunt, & promiserunt, solemni stipulatione interveniente hinc inde sibi invicem, & vicissim presentibus stipulantibus, & recipientibus pro se ipsis, & suis successoribus, & hæredibus respective in omnibus, & per omnia, prout conventum, & explicatum est in Capitulis infra scriptis tenoris, de quo infra, videlicet.

Che